



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola LXVI. Gregorii Papae I. Ad Theotimvm Medicvm. De illo quod  
scriptum est: Erat illis cor vnum, & anima vna.

**urn:nbn:de:hbz:466:1-15221**

suscepissent, alienas res reddere, atque ad conuerzionem hominem tantummodo habere? Hæc quia mihi valde dolent, eidem domino suggesti. Sed vestra gloria opportuno tempore secrete suggestionem meam ei offerat. Nolo eam a responsali meo publice dari, quia vos qui ei familiarius seruitis, loqui ei liberius & apertius potestis quæ pro eius sunt anima; quoniam in multis est occupatus, & vix animus eius inuenitur a curis maioribus vacuus. Tu quidem, gloriose fili, pro Christo loquere. Si auditus fueris, lucrum operatus es animæ prædicti domini tui, & tuæ: si vero auditus non fueris, lucrum solummodo tuæ fecisti.

## EPISTOLA LXVI.

## GREGORII PAPÆ I.

AD THEOTIMVM MEDICVM.

De illo quod scriptum est: *Erat illis cor unum,*  
*& anima una.*

*Gregorius Theotimo medico.*

**F**VERVNT quidam veterum philosophorum, qui in duobus corporibus unam esse animam dicerent, non affectus iungentes duos, sed unam in duobus animæ substantiam partientes. At contra nos esse in duorum mentibus unam animam dicimus, non diuidendo substantiam, sed corda iungendo. Nam de illis primis fidelibus scriptum est: *Erat in eis cor unum, & anima una.* Quod ego sic in Actibus apostolorum lego, ut in me & domno Theotimo recognoscam, quia sic unanimis tecum est, ut præsens corpore, nunquam mihi defuerit; & absens corpore, semper per spiritum præsens fiat. Ago autem omnipotenti Deo gratias, qui caritatis suæ gratiam in mentis vestræ visceribus infundit, & deprecor, ut magis magisque in vobis dona sua augeat, & hic bona nobis præsentia, & in futuro saeculo gaudia æterna concedat. Filium meum Sabianum diaconum venientem caritati vestræ commendando, petens, ut eo amore quo me diligitis, etiam nostros ametis. Data indictione XI.

Act. 4.